

Te Reo Māori Kaupae 1

Tautuhinga Aromatawai Ā-Waho 2024

Te Paerewa Paetae	92094
Te Ingoa	Te whakaatu i te māramatanga ki te reo Māori me ūna mātāpono i tētahi horopaki e taunga ana
Te Marautanga	New Zealand Curriculum (NZC)
Te Wāhanga Ako	Te Reo Māori
Ngā Whiwhinga	E 5
Te Tukanga Aromatawai	He Tūmahi Aromatawai Pātahi (TAPā)
Te Rā Aromatawai	Te 18 o Noema 2024
Te Roanga o te Aromatawai	E 90 meneti

Te Tūmahi Aromatawai Pātahi (TAPā)

He tūmahi te Tūmahi Aromatawai Pātahi (TAPā), ka whakaritea, ka mākahia hoki e Te Mana Tohu Mātauranga o Aotearoa (NZQA), engari ka whakahaerehia e te kura.

Ko te rā kua whakaritea e tutuki pai ai tēnei TAPā, ko te 18 o Noema 2024. Ka tukuna atu e Te Mana Tohu Mātauranga o Aotearoa tētahi honongaitua ki te TAPā.

Te Whakatakotoranga Aromatawai

E rua ngā wāhanga o tēnei aromatawai ā-waho.

Te Wāhanga Tuatahi: Te Mātakitaki Kiriata me te Whakautu Pātai

Ko tā te ākonga mahi, he mātakitaki i tētahi kiriata e whakatairanga ana i tētahi mātāpono o te reo Māori, arā, i te 'A' me te 'O', kātahi ka whakautu i ētahi pātai ki tētahi pouaka patopato. Kei te ākonga te tikanga mehemea ka whakautua ngā pātaiki te reo Māori, ki te reo Pākehā rānei.

Te Wāhanga Tuarua: He Mahi Pānui me te Whakautu Pātai.

Ko tā te ākonga mahi, he pānui i tētahi kōwae e whakamahi ana i tētahi mātāpono o te reo Māori, arā, i te 'A' me te 'O', kātahi ka whakautu i ētahi pātai. He pēnei i te wāhanga tuatahi o te TAPā nei, kei te ākonga te tikanga mehemea ka patopatohia ngā whakautu ki te reo Māori, ki te reo Pākehā rānei.

Ngā Herenga Aromatawai

Me whakaoti te ākonga i tēnei TAPā ki mua i te aroaro o te kaiako, ā, me whai hoki i ngā ture whakamātautau: [NCEA - Assessment and Examination Rules and Procedures](#). I te wā o te aromatawai, me aro anake ngā ākonga ki ngā rauemi kua whakaaetia mō te aromatawai.

Kāore e whakaaetia ana te kawe i tuhinga kē, i rauemi tautoko kē rānei ki roto i te rūma whakamātautau. Ka 90 meneti noa te roa ki te ākonga ki te whakaoti i tēnei TAPā. Mō te tūpono ka raru te ipurangi, ka tukua hoki he kape ā-pepa.

Hei āpitihanga atu ki ngā tikanga aromatawai

Ki te kore te ākonga e mahi i te aromatawai i te rā o te aromatawai, me whai te tukanga o te '*Derived Grade*'. He mea nui kia pupuri te kaiako i ngā taunakitanga o ngā TAPā (whakaharatau) e mārama ai ki Te Mana Tohu Mātauranga o Aotearoa i te ahunga o ngā mahi, mehemea i whai wāhi atu te ākonga ki tēnei TAPā.

Me tuhi i ngā kōrero ki te reo Māori, ki te reo Pākehā rānei.

